

Abonnement pour un an:

250 piastres

Edition spéciale 300 piastres

Adresse:

Idjtihad Constantinople

Téléph-St, 865

XXème ANNÉE

1 Mars 1925—No 175

اجتهاد

فلسفی ، اجتماعی ، ادبی ، اقتصادی مجموعہ

آٹونمان: سنہ لکھی [۲۴ نسخہ]

داخل ایچون ۲ ، خارج ایچون

۲ ۱/۲ اعلا کاغذ ایسی ہ ایرادر .

ادارہ خانہ سی

جفال اوغلانده « اجتهاد ٹھوی »

تلفون : استقابل ۸۶۵

یکرمینچی سنہ

نومرو ۱۷۵ - ۱ مارت ۱۹۲۵

بردرجه‌لی انتخاب

حقوقی محاضره

بردرجه‌لی انتخاب حقننده غزته‌لرده کوریلن نشریات واضح ونظریات علمییه تماماً مطابق عد ایدیلدمنز . بر درجه‌لی انتخاب ایله رأی عام Suffrage universel بری بریله قاریشدریلاقمده در .

حال بوکه رأی عام ایله بر وایکی درجه‌لی انتخاب مسئله‌سی باشقه باشقه شیلردر . بونلر بری برینک لازم غیر مفارقی اولمادیکی کبی ضدی ده دکلدر . بر درجه‌لی انتخاب جاری اولان بعضی رلرده ده زده اولدینی وجهله رأی عام اصولی برلنورده انتخاب ایکی درجه‌لی اولور . مع هذا رأی عامدن بکله نیلن فوائد بردرجه‌لی انتخاب ایله دهامکمل بر صورتله تأمین ایدیلدیلور . رأی عام وبر درجه انتخاب لهنده کی نظری دلائل علیهلرند کی مطالعاته نسبت قبول ایتمیه جک درجه ده اهمیتلی وفائق بولنقله برابر فعلیاتده ده رأی عام وبر درجه‌لی انتخاب همان باعموم مدنی ملتدره قبول ایدلمشدر . مبعوثان انتخابنده ایکی درجه بزدن باشقه یالکیز (ایران) د وارددر . اوراده بیله بواصول ، ملحقانده جاری اولوب طهرانده بر درجه‌لی انتخاب تطبیق ایدلمکده در . رأی عامک ضدی آرای محدود Suffrage restreint

درکه منتخبلرده ویرکی ویرمک قیدی آرانیلان انتخابلردر . بردرجه‌لی انتخابک ملکتمزده قبولی علیهنده سرد ایدیلد جک تک بر محذور تصور ایدیلد بیلور . اوده بو اصول تطبیق ایدلیکی تقدیرده جاهل متنفذانک و قره قوتک احراز اکثریت ایتمه‌سی در بوو اندیشه یرنده در .

بو محذووک تماماً ازاله‌سی ممکندر ونظریات حقوقیه یه اصلاً مخالف دوشمنز . مبعوث اولایلمک ایچون «تالی و عالی» تحصیلی شرط قوشمق کافیدر .

«تالی تحصیل» قیدینه شدتله لزوم وارددر چونکه ، عکس تقدیرده ، اعدادی تحصیلی کورمه‌ین فقط عالی عداولونان بعضی مؤسسات عنعنیه مأذونلری انتخاب ایدیلد بیلرلر بواعتبارله یالکیز عالی تحصیلی شرط اتخاذ ایتمکدنسه یالکیز اعدادی تحصیلی قبول ایتمک دهامک ایدر .

بوندن باشقه (انتخاب ایدنلر) ایچونده آوروپانک بعضی ملکتلرنده اولدینی وجهله Vote plural یعنی رأی مکرر اصولی قبول ایدیلدیلر . تالی و عالی تحصیل کورنلرک یکریمی ، یالکیز تالی تحصیل کورنلرک اون ، یالکیز عالی تحصیل کورنلرک بش ، دولت مکتبلرنده ابتدائی تحصیلی اکیال ایتمش اولانلرک اوچ ، اوقور یازارارک ایکی ، امیلرک بر رأی اولور . ایتالیاده اوقویوب یازمه بیلمه‌ینلر بر رأی حقندن بیله محرومدرلر .

شو شرائطله بر درجه‌لی انتخابک درحال قبولی پک مفید اوله‌جقدر . بو تقدیرده انتخابک تمامیه سربست جریانندن هیچ بر محذور تصور ایدیلدمنز . بو کونلکی مجلسده الی قدر عسکر ، اوتوز قدر مکتب ملکیه‌لی ، بر اوقدرده حقوقلی والی قدرده عالی تحصیل کورمش مسالک مختلفه اربابی بولندیغنه کورده بویله بر تکلیف قانونینک احراز اکثریت ایده جکسنه محقق نظر بیلد بایله بایله بیلر . تجدد انتخاباتک موضوع بحث وذاتاً موجود مجلس مدتک انتضایه یاقین اولدینی شو صیره‌ده بو قیصه‌جق ملاحظه اجتهاد قارئلرنجه فائده‌سز کورورلمه‌یه جکدر .



ژان مه‌لیه حقننده

اورفاده محمد نجیب بکه

فضای مرحمتنده یانان قانادر وار
دل عقولده عصانی اشتعال ایدیور ؛
دیکنلی یوللری اوستنده آچدی آل کللر
عنصرلرک کولی آلتنده سونمه‌مشدر اوقور .
۱۵ شباط ۱۹۲۵ اجتهاد نه‌وی

ج . ع

